

者狀逆行來過顯視師良久逢賢者語曰此人是真人賢者問若為老人曰眼瞳金色言訖行去以是論之亦玄會於嘉號矣年六十餘漸不復言失祥恒坐忘行心時被他事繫獄一年於獄中沉思作混成奧藏圖晚年又著九真任證頌道德諸行門兩卷益州謝法師彭州杜尊師漢州李鍊師等及諸弟子每諮論妙義詢問經教凡所受言各錄為私記因解洪元義已後諸子因以號師曰洪元先生師亦不拒焉又諸釋老經隨口便書記為老經口說兩卷並傳於世時年七十二則天神功元年戊戌歲奉敕使張昌期就宅拜請乘驛入都閏十月九日至洛州三鄉驛羽化嗚呼人而云曰道焉乎在非經文翰千載誰傳蘇遊靈驗記雖略陳梗槩太霄以暗之不

等用竊以往古當今玄文空論清言脆句趨道之速未居于上非得之於亦承奚以鑿諸云爾



玄珠錄卷上

洪元 王玄覽法師口訣

十方諸法並可言得所言諸法並是虛妄其不言之法亦對此妄言法既妄不言亦妄此等既並是妄何處是真即妄等之法並悉是真此等既悉是真前者何故言妄為起言故所以說妄何故說真為起言故所以說真何故起言欲達彼耳故彼何須聽欲通心故何故通心令符道故

萬物稟道生萬物有變異其道無變異此則動不乖寂如本印字以物稟道故物異道亦異此

則是道之應物如泥將印以印泥泥中無數字而本印字不滅此論道動本字雖不滅復能印多泥多泥中字與本印字同此論物動道亦動故曰既以與人已愈有

道無所不在皆屬道應若以應處為是者不應不來其應即免若以不應處為是者其應若來不應處又死何處是道若能以至為是者可與不可俱是道若以為非者可與不可俱非道道在境智中間是道在有知無知中

問觀維推之自得甚正之實性與空合德
空故能生能滅不生不滅

道能遍物即物是道物既生滅道亦生滅為
物是道皆是物為道是常物皆非常

經云自偽不別真請問真道之行各境盡行

周名為正道舒心遍境出智依他他處若周
則為大體大體既就即應小身兼以小身并
同境分常以心道為能境身為所能能所互
用法界圓成能所各息而真體常寂

問經云道與眾生相結連若為同異答道與
眾生亦同亦異亦常亦不常何者道與眾生
相因生所以同眾生有生滅其道無生滅所
以異異法不同處名亦不相待難名既不
待云何輒得名於同輒得名於異輒得言於
常及言於非常答其法中各無比故各無因
故由何得其名若許有名者明知一法有兩
名若許無名者明知一法無一名答我但強
言之所以有其名雖強即一時強是同亦是
異是常是無常忘即一時忘非同亦非異非
常非無常其法真實性無強無不強無常無

不常云何於無中而強立名字答人默難其
法若定是於默天下無強者若也有強者其
默還非真又答只為見默故所以於中會見
強其默元來無明知亦無強

論云道性眾生性皆與自然同眾生稟道生
眾生是道不答眾生稟道生非是道何
者以非是道故所以須脩習難若眾生非是
道而脩得道者乃得身外道眾生元不云何
言脩得道眾生無常性所以因脩而得道其
道無常性所以感應眾生脩眾生不自名因
道始得名其道不自名乃因眾生而得名若
因之始得名明知道中有眾生眾生中有道
所以眾生非是道能脩而得道所以道非是
眾生能應眾生脩是故即道是眾生即眾生
是道起即一時起忘即一時忘其法真實性
非起亦非忘亦非非起忘入等存之行若自
了得理則存存中帶忘則觀觀中得通則存
道與眾生互相因若有眾生即有道眾生既
無道亦無眾生與道而同彼眾生與道而俱
順云何立法教獨勸眾生脩眾生若得道得

道離所脩道若應眾生道即離所習經既不
許著何得有修習所言修習者法因妄立名
妄法既非真教言並糟粕何故苦執教而言
有所脩是故道與眾生教三皆不可得三既
不可得亦乃非是空不合亦不離真實之如

是眾生與道不相離當在眾生時道隱眾生
顯當在得道時道顯眾生隱只是隱顯異非
是有無別所以其道未顯時脩之欲道顯眾
生未隱時捨三欲道隱若得眾生隱大道即
圓通通則受樂當其道隱時眾生具煩惱
煩惱則為苦避苦欲求樂所以教遣脩脩之
既也證離脩復離教所在皆解脫假說為冥
真道常隨生死與生死而俱彼眾生雖生道
不生眾生雖死道不死眾生若死其道與死
合眾生若生其道與生合經生歷死常與道
合方可方不可若可於死者生方則無道若
可於生者死方則無道其道無可無不可所
以知道常生死而非常生死之外無別道其
道之外無別生死死與道不相捨離亦未
嘗即合常有生死故所以不可即不捨生死

故所以不可離入等從等入觀觀通入存存若忘復觀觀不妨存存不妨觀觀即存於存存即存於觀存觀不一不二亦一亦二入等復觀而存之

諸法若起者無一物而不起起自衆生起道體何曾起諸法若忘者無一物而不忘忘自衆生忘道體何曾忘道之真貴性非起亦非忘若言真是非起起忘因何有道即不遍於起忘由何得名道由何名起忘還因起忘知實性復因實性識起忘成即一時成滅即一時滅入等論明闇雖生滅未曾捨虛空虛空雖常住未曾捨明闇明闇有生滅虛空不生滅虛空有明闇明闇非虛空只是明闇空復是空明闇明闇與空不曾一不曾二亦是一亦是二四語之中道不一亦不二亦非一

非二入等乃存常以所知為己身以能知為己心即知見等法為可道知見性空為真道知見無邊為大身似見為大眼似聲為大耳識所知為大心大心性空為解脫解脫即心漏盡心漏盡即身漏盡身漏盡而非無此

等而即體常空能觀所觀總同屬心亦同屬境心之與境各處其方實不往來從何而起若悟起同不起即得於心定矣

一切衆生欲求道當滅知見知見滅盡乃得道矣雖衆生死滅後知見自然滅何假苦勸脩強令滅知見釋死不自由死死時由他死死後知見滅此滅並由他後身出生時生時會由他知見隨生起所以身被縛不得道矣若使身在未滅時自由滅知見當至身滅時知見先以無至已後生時自然不受生無生無知見是故得解脫贊曰
死不自由死 死後由他生 知見由我滅 由我後不生
身有重死了身中諸有既空其空亦空心有天遊空有俱空心無所係

將巡以約人隨人有始終將巡以約環隨環無始終何以故人環共生巡故其巡處三相隨空難此巡處在何方人環元不增云何得有巡答諦而觀此巡不在人環外而得有此巡巡又非聲色畢竟皆空行者當以知知

於巡其巡既空知亦空其知既空則同無知無知之中無巡無空無空則無知無知誰當與此等既無不有知亦無有無知又曰其若有知却有名無知其知元不有無有無無知心中本無知對境始生知心中非無知不對

剎無知人道木火亦然故曰無常可使有有常可使無因有對不對有知有不知不因對不對無知無不知有知有不知有所而不知無知無不知無所而不知故曰身之所見舊國舊都望之暢然況歸無知至性至體之都邑乎則洞然妙矣將心對境心境互起境不推心是心妄起心不自起因境而起無心之境境不自起無境之心亦不自起可道為假道常道為真道若住於常者此常會是可有者常獨住常而不遍可故此常對可故其常會成可赴言已出世言常亦言可若也不起言無常亦無可常可既元無亦無無常可若在衆言等則是有欲觀其微若悟衆言空則是無欲觀其妙

體用不相是何者體非用用非體諦而觀之

動體將作用其用會是體息用以歸體其體會是用存之有四忘之無一

天下無窮法莫過有與無一切有無中不過生與滅一切衆生中不過常與斷所生不過四生生居不過六道

不但可道可亦是常道可不但常道常亦是可道常皆是相因生其生無所生亦是相因滅其滅無所滅

空見與有見並在一心中此心若也無空有之見當何在一切諸心數其義亦如是是故心生諸法生心滅諸法滅若證無心定無生亦無滅

道常四是有是無是有一常二非非有非無非有非無非有非無一不平不見一道則平與不平俱是道絕聖棄智從凡至聖此聖還對凡當其在凡時與凡早已謝其凡既謝聖亦謝凡聖兩俱忘無智亦無仁寡欲而歸道問絕聖已至於聖者可許令其絕元未至聖者若為遺其絕答止論已至聖不論未至者未至元無聖無聖若為紀

大道應感性此性不可見衆生愚智性此性不可見道性衆生性二性俱不見以其不見故能與至玄同歷劫無二故所以名為同又言是亦不可大道體真柔曾非道衆生體假未曾不變歷劫殊方所以名異

大人握玄本無心應物通識通六道是名大人六道雖殊無非大者故名玄本

大道師玄寂其有息心者此處名為寂其有不息者此處名非寂明知一處中有寂有不寂其有起心者是寂是不寂其有不起者無寂無不寂如此四句大道在其中又曰有為動無為寂要搖始動不搖自寂只於動處寂只於寂處動只將動動於寂只將寂寂於動動寂雖異正性止一正性雖一不關動寂動寂雖二正性不關亦如泥印矣若將寂心以至動雖動心常寂若將動心至寂雖寂而常動常有定故破其先常有先故破其定達則交相隱顯合則定慧二俱

一心一念裏並悉舍古今是故一念與一劫非短亦非長一塵一世界非大亦非小故聖

人在今能說古事皆用追文逆曆而得其實是以今文說古事古有皆可行古無不可行故曰玉曆出世合規萬理

問曰云何今日心乃能念古事云何古昔事謂在今念裏古事若在今則知過去未過去

今心若在古則知未來猶已來若云定未來云何有今能知古若云定過去云何古實猶在今既將今心念古事復將古事係今心明

知一心一念裏舍古復舍今以是今古故一心不可得以是一心故二心不可得是則不一亦二能一亦能二是有亦是無無無亦無有以其是有故將有以歷之以其是無故將無以歷之棄無而入道將有以歷之棄有而出世世法既生滅棄世而入道道性無生滅今古現無窮故云廓然東垢淨洞然至太

清世界非常宅玄都是舊京

問絲中有五音不答有五音性其絲未成絃絲中無五音絲中亦無性亦無相結連其絲若成絃彈之有音相不彈有音性二有相結連明知一絲之中有有亦有無其中之性非

有亦非無若欲破於有緣中音性非是有若又破於無緣中音性非是無以非有無故破之不可得所以得常存

問緣中無音彈會出音乘中無半脫之即有二無云何同緣中有性其性常有緣中有音

音有與廢二有云何同答各是二有二無相因相結連所以有無是各同煩惱眾生脩得

聖人道觀之又見煩惱之中無有道又見得道之時無煩惱微得道之時煩惱在何方道復從誰得又云諦自觀之煩惱無藏處而復

無煩惱明知煩惱滅其道無他與而復得道者明知是道生若許定如是俱悉受生滅其道亦不優煩惱亦不劣何須若欲滅煩惱求

欲至道場道與煩惱究竟並無餘又答言道言我道體本末之如是於今不曾生煩惱又

答云畢竟之如是於今未曾滅何故言道與

煩惱妄云有生滅何者諦觀此四畢竟不可違乃於此法中無餘無不足若言常住四於法則不周其一與無量明知則不遍若許能遍者其四非真實不審此復云何答其四各

十七

十二

相違生滅不同時處一而三廢在二亦不俱將一以歷諸何多而不遍有一復有多故能有一有無量故能有復有無故能有斷復有常有優復有劣大道正性中無優亦無劣不有亦不無遣誰有生滅既無物而生滅故

云道場與煩惱畢竟並無餘行者行道之時當守於正心無失於正性

問性復是誰性心復是誰心答還是四句心復是諸法性若無四句并無其心若無諸法并無其性有則一時有過法界而無方無即

一時無并纖密而俱盡在此無所言疆名為大道

至道常玄寂言說則非真為欲化眾生所以疆言之言有四句道皆起應起應彼矣便成四病然向之所起前後不同時應一而三廢

或言初而三未來或言終而三已去然一之所起由三而得此三既其廢一亦不獨立當

正在一時此三早已忘其三既忘一亦忘問道何故起言要須廢答為眾生有興廢故所以將廢廢於興所以將興興於廢太道正

十七

十三

性中無興亦無廢處此地的四句而言名為四句心當在此處時元無有四句四句既無其心亦無始名大四句心大道正性真實之如是

問前言處一而三廢起四還廢三何不只起

一一若有優劣何不簡要者一若無優劣何須復歷三又若使一言足不須更起三若使四言足此三不應廢何故起四還廢三何故

歷三獨存一答四言之中無優劣眾生未悟故一言不足故要假四言故四句不同時歷

一常三廢其三既廢一亦廢何止在三問此四句是生滅法正道何故處其中答道

無所不在常在四句所在皆無四句非道又問四句中有何須以有而生有四句中無無何須以無而滅無答四句中有有生之不可得四句中有無滅之不可得此是自然生

此是自然滅不由生者生不由滅者滅在是

但有是不生亦不滅亦不生滅然此四句曾經言故雖廢不與未言時同故悟人處俗曾經悟故雖返不與未悟人同一得正性終

不染俗故曰一性不變異

一切萬物各有四句四句之中各有其心心不異通之為一故名大一亦可冥合為一將四句以求心得心會是皮乃至無皮無心處是名為大一論如芭蕉剝皮欲求心得心

會成皮剝皮乃至無皮無心處是名為正一故曰逾近彼逾遠實若得無近無彼實是名為真一見無所見見無色無色故則無見知念亦然守一破一知雖守會同睡譬如精思閉眼思見關眼思存乃得內外之所用

其道未嘗四以其性一故其道未嘗一以周四物故亦一亦四非一非四非四非四適其中實起則名真一真一者寄言耳只為法不言所以見言法其法若有言復見不言法遙相因待交相見之其中隱度前後符信從古至今無此是無隱度從古至今有此是有隱度是知有無相違今古異世唯有符中正一四象同歸實性自然而化方待軌而變草木雖無知落實會生死真道雖無知落實是常住

此處雖無知會有無知見非心則不知非眼則不見此知既非心則是知無所知此見既非眼則知見無所見故曰能知無知道之樞機當知三世之中三世皆空三世者一半已去一半未來中間無餘方故皆空也知三世

空論如於燈當欲滅燈時滅時見燈不滅時若見燈此時滅未來滅時不見燈此燈已過去滅不滅中間於何而住立過去未來之中間但有名而無體故知三世空矣空故無身無身何愛既無所愛即與道同與道同空故名愛道空與身同故名道愛

道體實是空不與空同空但能空不能應物道體雖空空能應物問道能應物物能得道不物若得道得道應便住云何更受主物若非道者所備但得身外道物終不得道不假用備習答眾主無常故所以須假備道是無常故眾主備即得眾主不自得因道方始得道名不自起因眾主方起起即一時起無一物而不起忘即一時忘無一物而不忘優劣一時俱有何道與物

眾主雖生道不生眾主雖滅道不滅私眾生時道始生眾主滅時道亦滅若許無私者元始得道我亦得若使有私者元始得道我不得眾主眾主未生已先有道有道非我道獨是於古道我今所得道會得古道體此乃

古道即今道今道即我道何者歷劫已來唯止一道此是眾眾生而得者即是眾主之私道只是眾道應私名私道破名者指竹為水指空為竹是則一時是非則一時非

破體者隨眾主識變而見有無不同或見空處有或見有處空則破體也名法觀之有或但變而不空如見牛變成馬之言是馬不言是牛亦非代彼立名千破非如一人得清淨識見者諸法亦清淨眾人不待者諸法亦濁穢明知還是穢法淨復是淨法穢亦是有法無亦是無法有識體是常是清淨識用是變是眾主眾主備變求不變備用以歸體自是變用識相死非是清淨真體死

住體本實不受虛名虛名來者各還與其虛
若將實來取我即受其一若將虛來取我即
受其二如人不語來取住實只得其一

玄珠錄卷上

玄珠錄卷下

別八

諸法未出時非道亦非俗諸法若出時是道
亦是俗其法若出時無一物而不出諸法盡
相違其法若不出無一物而出亦是盡相違

洪元王玄覽法師口訣

若出世起相因而生諸法若沒世起相違而
滅諸法出時不言生入時不言死未生之時
若也空復將何物出已破之後若也滅復將
何物歸眼色共生見其見在何邊見時是化
生不見是化滅其中衆生命其相亦如是不
從二相來不從無相來若從二相來工相生
二見云何止一見若從無相來無相則無見
云何復有見如此之見體見故不可無無由
不可有求之不可得其相復宛爾以輪將眼
以接色將身以接識在內而生心在外而生
見心見得相連心見不相是人心之與道連
是亦如之
說法因心而用口聽者耳聞而意取意歸道
耳歸聲說亦從道來言亦為彼塵對觀四事
共出一化化之生滅有無何寄雖復無寄不

可無化詳之

常道本不可道則無常不可生天地可道
生萬物有生則有死是故可道稱無常無常
生其形常法生其實常有無常形常有有常
實此道有可是濫道此神有可是濫神自是
濫神濫道是無常非是道實神實是無常若
也生物形因形生濫神所以約形生神名則
是濫欲濫無欲若能自了於真常濫則同不
濫生亦同不生不生則不可所以得清淨之
法則不可可法則無淨淨心能照妙則是無
欲之妙門因濫玄入重玄此是衆妙之門妙
門則生無生但是濫生實無生也其道只是
濫可實無可也行者觀而思之存而守之則
解脫得此是濫脫實無脫也無可既無可誰
知此無可淨心知無可無可常清淨淨故常
無知得此淨無知則是無知淨是名淨心知
如鏡照色鏡雖受不失本清此清雖濫實無
生死將言以說物物一言不一其物被言說
言多物不多若許如是者言應不說物言實
說物所說若依物云何得言多未嘗言與物